

補續全蜀藝文志

張明府招飲高唐未赴 黃輝

舉世陽臺夢，飄人只夢卿。
雨絲纏峽雪，雲絮撲爐香。
望遠紅林隔，登危綠杖妨。
賢侯勞見約，神女久相忘。

衡門

來知德

裊裊嵐光作翠堆，青青松葉覆蒼苔。
鳥從白石橋邊度，花趁黃梅雨後開。
麗句暫吟玄鶴舞，衡門欲閉故人來。
夢中擬在磻溪上，脩竹千竿一釣臺。

孫代巡賜高唐明府催謝詩以答之

前人

十載方將一戒成蒲園松菊戒時生而今者為霜威
破草木焉知不笑人

行路難

古行路難太涉愁苦作此反之便巖熱譚敬所

所待御右遷

前人

君不見花殘凌煙閣前日上花枝今日辭花釋又
不見柳拂銅雀臺既許愁風落還許春風開一開一落
人何有千愁萬愁一杯酒朝還著綺羅莫即填培塿

蜀狗哭土龍土龍哭蜀狗行路難行路難行路之難
有如此嗟爾世心原不死幾人幾人買丹砂依然去
鷓鴣壚車回首回首種祇樹天花送空無着足無着
足無着足人間信有難行路舉世難行絕徃來嗟爾
欲行之人亦將為之何哉我有兩腳輕于灰不怕羊
腸鳥道七盤九折之崔嵬東西南北縱所如未嘗臨
路浪生哀朝朝暮暮雲霄上幾度崑崙縣圃來崑崙
有路分南北竭來盡是尋真客只緣世上行路難鳥
語長啼行不得路入南分雷旬旬十二樓空侵水晶

步余馬兮紉杜蘅持玉簡兮朝太清
日域日蟠莫昇平喜起喜起賡復賡
路入北兮右冷冷煙霞盤護桃花井
一料瓊漿步紫靈長與天地爭
久未覓吾衣裳兮海日靜琴吾素月
兮萬籟省下視紅塵如弃綆
天生我才信不多登策核蠹時非他
仰天白日自吟哦此身不受一塵染
任爾世路之南之北或長或短或大
或小或險或易或得或喪之風波
吾何爲今而女溷而靈氛而嶺竈
欲行不行翻嗟眈乎提玉龍欺素娥
蛇遊狝立空過曉世路世路將予

庭前葉落鳥飛去
堦下柴積蟻自行
何人炆水孤城隔
昨夜高齋遠興生
小艇片帆漁父共
虛堂置酒老農迎
况餘修竹成陰滿
來往撲衣空翠清

炆夜同鉉侄過周二宅 前人

永夜清無寐
來尋仲蔚君
引杖霜炆露到門
聞讀書蛩聲喧
壁冷桐葉覆
陰踈酤得東鄰酒
園中旋摘蔬

田家怨 前人

三炆六十日
風雨一歲九
農強半死無力
吞聲哭向天
更復何能活
兒女穗成稿
敗拾不得落
入田中化

泥滓種豆一頃草離離豆不成角草垂子日高呼童
餵牛出衣薄霜寒臥不起但願牛飽不須嗟明年望
爾輸官家

雨中聞笛

楊師心

雲陰漠漠雨如織誰人吹笛雨中出聳之黯慘孤村
邊偷得李家烟舍竹一聲落入澄江底寒壓魚龍僵
不起入破盤辟過不流萬籟無聲十指死須臾轉換
音乃發石破天驚逗煖雨溶溶日暖滑凝脂意靜手
閑歷亂吹首猶風前腸欲斷放臣江上淚沾衣少爲

但願姑嫁與公府朝朝暮暮列門釜終身不知此辛
苦

溪上

前人

藏慢催清曉看花媚夕危菱荷初有服春水正宜詩
啼鳥通人意懸蟲似鉤絲原來彭蠡笛不同世人吹

渝州十景歌

徐宗敬

洪武間人

登碧臺芳望渝中春色一覽涵東風金波龍門漲清
淺水光直與銀河通疎林葉落霧山寺將曉鐘聲響
烟際天孫巧剪玉芙蓉簾幙晴霞擁寒氣八月秋高

風露涼頻宮桂子飄天香落霞孤鶩湖中景駢闐車
馬歸來忙北汀甲第迢迢起鴈落平河畔秋水斷岸
萬丈滴珠泉洞門深鎖白雲裏抱關擊柝暮雨多行
人聽之將奈何半篙新綠喚晚渡滄浪濯足搖晴波
渝州十韻聊懷古浩歌竹邇孤鸞舞似同擊壤吟康
衢願與黎民樂斯土

發兵四首

喬壁星

鐵衣長夜裊方刀歲歲防秋將士勞在總不須勤設
險漢家經略向來高

軍麾十道選丁男訓練戎機各已諳
一自移營屯細柳肯容豺虎尚耽耽

響落千山應鼓聲徒見吹笛赴長征
蕭蕭殺氣連雲壘獵獵酸風捲旆旌

千夫待令肅于霜幕下材官意激昂
控馬獨矜後臂健請纓期結左賢王

蜀兵應調援遼有感 饒景暉

玳瑁空梁敢自娛春風紫燕漫相呼
三韓戎馬煩徵調萬里蟄蟲駭事轉
輸國計竟將何力補民勞不識幾

時蘇將軍請念宵衣苦莫問麒麟事有無

聞遼事有感

吳之皞

盛世雍熙久厭兵那堪建醜恣驕橫
廟堂獨任需經畧將帥紛馳入虜營
青海何時收戰骨白袍誰復掃妖鯨
區區肉食慙無補決策應須佐太平

平播凱歌獻大中丞李公

傅光宅

六月軍聲動海濤轅門今下鬼神號
錦江浪淨眠鷗穩玉壘雲飛舞鶴高

三尺龍泉自尚方斗牛寒色照蠻鄉千年荒服歸王
化文物初開古夜郎

海龍望迥插青天飛虎關高入紫烟霹靂一聲重險
失流星忙去捷書傳

千山萬壑遶渝州吟嘯時登庾亮樓尋罍閒看戎馬
散夕陽秋色滿漁州

謁禹廟過覺林寺飲塗山前嶺賦

前人

披雲載酒碧山頭俯仰江天散旅愁一水西來分瀚

海萬峯東去遶神州
尊前雨色籠禪院
樹外晴光射
郡樓終古平成思
禹績乾坤誰信等浮漚

平播古風有引

端園

予聞日昇暘谷
盍旦鼓翼而飛
風動商飈
蟋蟀吟
秋而感況乎苗民嚮化
羽賛于虞階
江漢興
謫經
營歸之召穆
豈無言以紀其盛哉
森茲播賊
世食
土毛井悖
天恩晏恣
敗扈在
聖心雖若天覆
地載而
王法寧無推亡固存是以
宸斷孔彰
重臣委毗
簡書下魚鳧之里
鐵鉞授司馬之官

總制三藩坐籌勝筭已乃遊飛羽檄交輓糧芻騎
士如雲材官如雨八路秣張天之綱千峰障飛鳥
之塵前無堅城我有勝地維時司馬李公手持大
阿布昭聖武嚴號令必賞罰激義勇誅逗留文武
將吏咸共戮力未幾而猿猱夜泣狐鼠霜啼梟獍
晝迷豺狼宵遁自此犁庭掃穴覆社傾巢元惡伏
誅羣兇就僇俘獻靖邦之績勞書定國之勲

皇心載寧垂裳臨御天寵有赫紀績旂常豈讓
虞周金盛時耶始予蒿目境土腐心兵革念帑藏

物力之詘憫黎元轉運之艱乃捐湯沐之金以佐
國家之急祇抒丹悃匪獵虛稱幸微寵靈大爲奏
凱斯已身享太平世運矣爰效風人之志載揚朴
舞之懷庶幾賡歌以侔盛美云爾

天王御曆清寰宇謨譯輶裘知共主何來井絡見櫬
槍十載西南紛鞞鼓鳴張猿嘯萬重山渠孽乘危虎
豹關赤子半樓峰鏑苦巴渝蹀血漲潺湲列校倉皇
布江上江郊鬼哭愁相望六縣冤銷鴻鴈覓三川脂
竭蝸蟻餉潢池誰與莫春臺烽火征塵撼地來西顧

外厓宵旰慮親分節鉞王天垓喜傳制閫推司馬

鋤霜飛夜卽野何異當年李藥師居然長城萬間厦
李君自是星之精曾爲霖雨蘇蒼生東溟妖鯨方汎
掃西山黠鼠敢驕鳴危巢燐滅方嘯燦諸路熊羆俄
集蝟六花夜秘鬼神機八陣雄飛 天上氣忽聞凱
歌誼邵國一雨洗兵寬燄息嚴嚴京輔晝飛音勃勃
瘡痍人起色君不見周宣問夜兆麻功太原之伐何
英雄吾皇燕喜仍六月後先援武將無間又不見唐
君善任征淮蔡鷺鳴聲中擒巨害成謀在斷古今然

此日 廟謨永開泰北門鎖鑰倚元臣頭令溥天沐
好春遙挹二日齊曳履忻覩八座善調鉤岷山青青
沱江綠文治從今洽西蜀水遠山長無盡時萬古乾
坤熙玉燭

大雨飲劉克甫宅

楊師心

主人斗酒興不薄往客騎馬侵晨過長風吹水打江
岸鳴雨到地流驚波白雪誇若音調古青山分我道
情多安得呼巉虎頭筆貌我數子巖之阿

邀周道行過江麓茅堂

前人

興盡拍欲歇猶聽鶯鳴亂水悲滿目關山無限思
省還隨秣雨飛

月

潘紹伊

樓高與月近野曠得光多大地白如此雲霄更若何
露坐垂暝葉霧重貼寒波不惜終宵看明霽隱薜蘿

對雪獸酌

前人

風聲樹裏響如水凍雨堦前吹作花玄雲合杳濕不
散落葉滿地貧人家地鑪灰冷吹難煖鑪烟匝屋兒
女喧蕭條四壁書寂靜寒飈不時來打門愁來一飽

且難得百錢何處沽清樽
君不見去年夜走陳倉野
紛紛白雪寒山下三更
虎豹愁鞍馬即今饑坐看雪
飛驅馳絕勝長安著

廣漢官署閑况

鄭師玄

雙柏參天集翠浮
高臺徙倚烏聲幽
題詩都主芭蕉
葉細雨風翻新韻流

人家

前人

水邊修竹雨三家
隔岸青山堆綠霞
童子未閑樵牧
事林半結伴掃松花

蟲言三首

促織

楊守敬

織織織阿奴頭上有青絲剪來莫救官糧逼賒得長
庚照我機織織織

不如歸去

不如歸去深山芳無食城郭寺無路振羽南崗不可
栖日日聲嘶吼萬樹

脫布袴

脫布袴前有深溪最難渡昨宵雷雨未得停除是叔

度重來才五袴

暮春即事

鄭源長

成都人壬子解元

窓外飛花自往還
閉門長日即深山
龍岡高臥非無事
牛角敲歌不是閑
壯志每形花底夢
雄心頻託鏡中顏
木蘭已盡無堪採
鶉鴉聲聲在樹間

何怪爾浮休子不信周道平于水終日兀坐愁城重
生前縱跨黃金印死后空成皺眉鬼行路難行路難
侑爾歌加爾冷鳳皇不啄人間粟八埏九野何地無
琅玕莫將行路起長嘆

金山雜詠

前人

清風草閣三竿竹明月山泉一曲琴惟有梅花知此
意冷香入夢到而今
繞宅蒼蘚惟鳥迹隔溪煙霧似人家淒清莫是仙源
近一線冰泉萬片花

董願庵推府見在釜山書堂 前人

一曲清江帶白沙洲邊蘆荻傍吾家松間時下聽琴

鳥壁上長畱篆字蝸不有陳蕃能下榻誰知顏闔飽

冷霞莫愁信宿無供給獨木橋頭繫扁槎坡詩誓將歸釣漢江

槎江漢水編甚美以槎斷水取之

禽言

前人

割麥捫禾禾老麥將枯公家還欠去年租敲門打壁

日夜呼縱有禾麥依然無

乾柴水滴滴燒又不肯然大姑罵食遲小姑得食嫵

補續全蜀志卷之十六

黃岡杜應芳

裁訂

景陵胡承詔

詩遊覽

早春陪崔中丞同泛浣花溪宴

唐岑參

旌節臨谿口
寒郊陡覺暄
紅亭移酒席
畫舸逗江村
雲帶歌聲颺
風飄舞袖翻
花間催秉燭
川上欲黃昏

登泰山東朱太守
國朝張佳胤

青郊寒削萬芙蓉
支策捫蘿破紫茸
祠抱山川思夏后
春從天地入堯封
桃花水散龍門東
江岸樓居維牒重
爾道案頭蒼翠色
可知人贈白雲峯

同邢錢菴推府王葵軒莊岐岡二明府古民
部遊鱗龍洞得雨字三十韻

來知德

諸峯羅兒孫一峯插岫巉
古湫山之窩雙壁鑿斤斧
沉沉牛渚磯靈怪蟠水府
中有迦羅奇瓏瑤佩碧乳
離離墜青錦蹲踞如放舞
泥水相紛颺饑蛟吞渴虎

九龍來瀑布萬壑繫雷鼓地媪澆醴泉醉此梁州土
諸山盡醅醕不知有天寓乃知天乎郭先後爭步武
鄉人憂旱鉢餅罐時偷雨豈知人心靈應響如連弩
耳夢古老言仙客煉藥釜一朝帝有詔拜下頭角無
意者巢許輩嘽嘽開花塢依山巢雲松種藥傍水滄
槎牙萬壘峯朝夕成賓主一朝隨化遊榻來同啄腐
爲人復爲龍事亦近蒿邁髣髴李八百空釜入仙譜
緣鵠飾玉輩好事成亥魯偶來登此山春花開蓮蒲
二三遊宦客暫解龜魚組軒水淨煩襟一洗塵囂膺

乘醉弄潺湲出洞卽今古安待駕飛車或輟入天姥
更有條條與走筆愧鵲鵲幸爾坡仙在却爲徐疑補

遊金峯

席春

牽江百丈坐春航繫纜閑登傘子岡塔古有名題姓
氏碑殘無字記隋唐今孤故宅餘青甍鄒櫺其糖空
白霜載酒未酬遊樂興斜陽回首重凄凉

登丹景山

莊誠

祛冗尋幽墊性便登臨何幸入雲巔蒼崖絕壁天中
峙曲澗飛瀉石裡窠影影霏煙迷鳥路叢叢松竹稱

僧禪從容直到崔嵬處眺望群峰盡藐然

山行

前人

纔過山閣來又向山亭去蒼岩古樹中人度白雲處

雪行

前人

黃葉徧山中飛雪大如手人踪寂寂稀孤樵度山口

春日遊青羊宮

二首

王胤

泥元仙跡接江湄况值春光嫵媚時人向綠楊陰裏
去馬從芳草望中嘶葛巾笑做皆知已斗酒狂歌更
屬誰欲把詩腸對佳境天風飄颻入玄思

又

前人

數年來上三清閣今日重瞻幽谷關
萬道青蘿雲外影一泓江水鏡中天
春回石壁蒼生煖日照丹泉玉映寒
我欲乘風歸帝闕却疑身在小桃源

秋日泛舟

鄭仕階

長江日夜走東吳雀舫穿雲破綠蕪
人坐青天浮碧鏡扁舟秋色起孤蒲
滄州道在心如古赤壁風流興未孤
可是高陽還按劍無憐霜鬢倚屠酥

草堂晚眺

楊文俊

泠泠野色草堂陰
檻外風傳萬葉吟
煙雨浣花留記
永江刺漁太寄情
深秋風弄曲誰家
簫暮月千聲何
處砧莫怪推敲淹
馬足天倪融思獨
關心

遊雲臺館事

張正學

殘星催曙色宿霧
啓朝暉念佛人頻
過吹笙樂漸稀
野田芳草長村落
候禽啼仙境行看
近良游願不違

又

春日正融融氣氤
淑氣通飛香紅杏
雨灑面綠楊風
香火來三省靈文
自九重栖遲林下
客從此學喬松

同諸公遊白馬寺泛舟李元齡

臨江清寂梵王臺
車騎翩翩選勝來
方丈午陰閑對
厠半箇秋水謾
卮杯窺田白鷺
驚烟杳遶郭青
山帶
夕迴魂魄月中俱
飲露誰能不
放好懷開

泛舟百花潭阻漲

前人

緣江一夜動浪風
曉起冥冥帶雨雄
漁父疑傾星宿
海蛟入欲探珠
滿信才需斗酒
微賣鷓鴣典倚
樓船駕
碧虹試問以陵
誰載後
浪把釣竿誰
同

溫江遇楊東洲別驢君山因有遊江之飲

曾日唯

三十年前舊鴈行偶來江上識行藏
騎驢采藥千山翠渡酒登樓萬竹香
四岸亭臺明蜀錦西湖歌管在溫陽
與君此別都門近回首相思道路長

遊霧中山開化寺遇雨 范 鈞

自臨初地後冒險歷層臺野色西南盡
山光遠近來有橋皆疊石無路不封苔
薄暮歸僧院禪燈帶雨開

中園

潘紹伊

東風仍作東溪色暮昏昏細雨濕江路
孤花明遠邨

馬去衝飛絮，晁來散浪痕。漁翁何所往，空棹繫柴門。

遊浣花溪

林欲棟

丞相祠前花滿溪，孤痕面面浪痕齊。千林簇擁青浮檻，一水東來曲抱堤。月向江頭看轉小，雲從寺口去還低。風流此地同今古，子美當年有舊題。

同劉惟張兄第遊雲居寺登呼月亭

楊守敬

飛刺孤亭松樹陰，歲闌還得此登臨。丹梯曲入微雲濕，黑石交橫古洞深。下界鐘聲浮几席，遠峽晴色落

衣襟興來不管年華暮待月看山且獨吟

點易洞晴望

前人

蒼苔古磴碧桃花遠徑深松帶竹斜樹擁城西迷酒
社村浮江上見漁家垂蘿滴滴研硃露烟柳輝輝散
綺霞一曲紫芝猶未了驚來仙鼠白于鴉

九日同吳行可寅丈遊犀牛寺觀文機石

戴燦

共有黃花興言傾栢葉杯古禪畱勝跡多難此登臺
不見乘槎客空聞買卜回良辰恣騁望羨爾大夫才

芙蓉溪讌集

前人

名園清宴向江開，紫翠浮光入座來。
俗遠琴尊偏得趣，興闌魚鳥不相猜。
溪流無恙芙蓉水，春色先酣綠玉杯。
檻外山川多勝蹟，箇連不管夕陽催。

內江王園亭讌集時接報有求寧之提

前人

小山臺榭勝神仙，飛閣危亭四接連。
北海尊罍頻出聖，鄴都詞賦早稱賢。
恢奇雜劇當筵舞，隱映名花隔樹妍。
更喜提書來幕府，恭聲屐齒兩翛然。

道釋

古詩三首

陰長生

維予之先佐命唐虞爰逮漢世紫艾重紆予獨好道
而爲匹夫高尚素志不事王侯貪生得生亦又何求
超跡蒼霄乘飛駕浮青嬰承翼與我爲侶入火不灼
蹈波不滯逍遙太極何慮何憂遊戲仙都顧憫羣愚
年命之逝如彼波流奄忽未幾泥土爲儒馳走索灰
不肯暫休

予之聖師體道知真昇騰變化松喬爲林維予同學

一十二人寒苦求道歷二十年中多怠墮志行不堅
痛乎諸子命也自天天不妄授道必歸賢身投幽壤
何時可還嗟爾將來勤加精研勿為流俗富貴所牽
神丹一成升彼九天壽同三光何但億千

維予垂髮少好道德棄家隨師東西南北委放五經
辟世自匿二十餘年名山之側寒不遑衣饑不暇食
思不敢歸勞不敢息奉事聖師承悅顏色面垢足胝
乃敢衰識遂傳要訣恩深不測妻子延年咸享無極
黃白既成貨財千億役使鬼神王女侍側予得度世

神丹之力

鶴鳴觀

杜光庭

五氣雲龍下泰清
三天真客已功成
人間回首山川
小天上凌雲劍佩輕
花擁石壇何寂寞
草平轍跡自
分明
鹿裘高士如相遇
不待崖前鶴有聲

寄蘿山寺僧

宋劉佳

摩空古木蒼岫孤
雲自優哉
林下人笑傲
紅塵客
詠純陽山女冠
范志玄
劉儀鳳

誰家遊冶郎
闌首窺幽闥
但見臉如花
不知心似鐵

一夕變其軀雪姿映雲髮昔為桃李姿今作松篁節

遊五雲洞

丁 慰

君不見呂公昔日飛過青草湖惟有樾精獨遇城南
隅僊人來去定何許風色嫋嫋飛雲孤江上英靈鍾
平都隱然真僊人所居漢人得道幾千載白鹿長生
還自如今年七夕知何伯群鹿來遊岩穴虛有氣如
虹起洞口時聞芳馥浮滿廬吾知僊跡無定在出往
必與神明俱有時一咲下碧落坎離刀圭傳世愚僊
家從來多異事余亦愛之因屢書王陰二僊不復見

誰云五雲佳氣無

贈張三才

蜀獻園

憶昔蓬來閭苑春歡聲未盡海揚塵恢宏事業無多
子零落親朋有幾人失馬寒翁知是福牧羊仙子暮
全真吾師深得畱顏術善養丹砂保谷神

宿養道窩和張三才韻

張佳胤

嶽勢差峩雄此都僊家臺榭白雲孤蒼山石洞成今
古青壁珠光乍有無半榻月中花自發千峰枕上鶴
相呼披衣更待松門色清夜真看坐玉壺

送福上人還青城

楊慎

青城三十六高峯寺在青峯第幾重飛錫曾聞經雪
嶺結茅常愛住雲松花飄香界諸天用金吼霜林半
夜鐘傳語禪關休上鎖虎溪他日會相從

九老僊人洞

周遜

龍虎形成藥已神使君曾此謁真人羽衣飛去青山
在幾見巖花澗水春

送霧中山僧

趙貞吉

霧山中有雲寮子楊枝幾滴西江水爲讀頭輪一字

經勘破玄文六千紙相逢落落與騰騰後來蹴踏誰
能禁會有人間習鑿齒應識僧中支道林

和葛仙翁箕筆二首

附箕筆云先後二天結此者恍惚靈靈非外假

千里罡風乘逍遙方可乾坤任上下搬弄泥
九運河車抽添火候同陶冶丹成無處不神
通方悟藥爐在易也樂考繫方矢弗日母
雲吸露依林樾幻身已作端頭萍萍性應如
潭中月都將世態付不聞只弄玄珠猶未歇
碎神破聚足生涯從來天地有閑闕

前人

寒山拾得何爲者哆哆和和同弄假直上天台坐磐
石不棄佛車上中下有時獨睡三界輪或罵聖僧小

陶治豐干饒舌傳世知此是大心凡夫也

太上教我豈不曰上士不必棲林樾幻身悟得卽法
身水中月是天上月剎剎塵塵無不入煩惱菩提皆
了歟誰將予詩老秃屑要和寥天高宮闕

雙林上人歸吳詩以會之 鄭仕階

且莫携筇東向吳四大猶恐雪峰孤金庭玉柱知相
待草閣花潭記得無到處白雲背背甘楊綠江明月正
含珠好移灩澦封巫峽不放詩僧下五湖

寄凌虛上人

黃輝

山路紆蒼旻，飛嵐下綠塵。行行入林谷，隱隱見麋麇。
曲洞千齡曉，幽花四月春。毋知靈境外，不有未開人。

游仙

潘紹伊

煙霞誰解賞，鸞鶴我其群。海月三山路，剛風萬里雲。
赤龍供客騎，蒼狗笑塵氛。何處簫聲落，蕭聲醉裏聞。
石閣枕三江之會，峨眉當檻，伸手可探為過。
洗墨池望烏牛洞，禮定僧肉身，漫賦。

羅寬

多君雅負凌雲翮，此際攀芝洗墨游。波撼山根鳴萬

馬丹啣沙磧亂雙流僧遺皮相驕寒暑牛放川岩足
枕凍更有我眉來勸酌檻前空翠滿囊收

遊卮牛井

楊其女成道處

彭繼作

浦江人

瑤壇寂寂枕峰陰一掬香池夕照深汝爲烟雲損綠
鬢我從湖海負黃金桃花靜度霞裳影翠篠閒傳玉
佩音便欲東來憑絕巘結茅從此豁塵襟

哀輓附

悼陳子昂

唐盧照隣

暮川罕停波朝雲無留色故人琴與詩可傳不可識

識心尚可親琴書非故人鳴臯初夢趙蜀國已悲陳

書陳母貞節卷

楊慎

竹柏有真性璧玉無瑕疵懿彼匪石女寧爲所天移
旌門有龍綵秉筆饒鴻辭青史令女傳黃娟曹娥碑
三從古未道二南剛後詩因之播彰閭中有餘師

孝津行

前人

岷山青嶂空下映犍爲江江濱有孝娥自名叔先雄
娥父爲功曹冉冉趨府中泛舟越洪濤捐軀以凶終
娥也痛父母臨淵矢相從練裳封兒臂珠環係兒躬

寄言與兒別別去不再逢寧假龜鼉梁直下蛟龍宮
川后垂玄鑒江妃憐丹衷死抱父屍出依泊葦花叢
戚黨悲復感閭里唁且聞風誼動今古廟貌森穹崇
文紀與今伯祠墓相四東解使隄爲縣永作忠孝邦
岷之山石可泐隄之江波可竭千秋菊芳萬春蘭孝
娥之名焉可滅

輓張來袞年兄

前人

張綱輪旄迴江上王粲書郵報峽中故友空梁悲涕
月寡妻何處哭秋風藏舟忽訝生年晚覆肩翻驚世

事空青簡數行真夢幻雲霄一羽轉冥濛

輓太常張來衮先生

黃輝

九死仍攀檻餘生合負戈碧山孤興杳青史數行多
心事嚴君卜形容漁父歌回來者舊盡流歎付江河

田氏一門四節婦詩以輓之 前人

漫道持門鍵那堪斷杼頻百年不双鵠兩世未亡人
寧惜萱花晚畱為荆樹春惟應碧玉水得共管彤新

輓順齋弟

楊珖

半世同依倚十年相別離念予方解綬痛尔獨乘箕

事業餘孤塚家聲羨兩兒一杯澆石碣老淚不禁垂

輓李任菴

前人

蕭寺論文日燕山並轡年詞章追大雅心事摠先天
愛日求終養憂時不附權有懷同結社何事倏遊仙

賢節詩為蔣母曹氏題

七

錢塘

華堂有松檜盈盈纔兩枝高岡翔鳳皇依依向東飛
一枝忽已凋一鳳空以棲枝下長蘭茝九苞生芳儀
所以氣餘馨會茲千仞君鳴世見圭璧成功鐫鼎彝
眷彼慈愷貞與古賢淑齊大椿迴雲外靈鳳翱天衢

綱綱曆廢節孝誰與俱

補續全蜀文志

卷之十七

八

家

補續全蜀志卷之十八

黃岡杜應芳

裁訂

詩古蹟

景陵胡承詔

蜀路石婦

唐白居易

道傍一石婦無記復無銘傳是此鄉女爲婦好且貞
十五嫁一人十六夫征行夫行二十載婦獨守孤嫠
其夫有父母老病不安寧其婦執婦道一一如禮經
晨昏間起居恭順發心誠藥餌自調節膳羞必甘馨

夫行竟不歸婦德轉光明後人高其節刻石像婦形
儼然整衣巾若立在閨庭似見舅姑禮如聞環珮聲
至今爲婦者見此孝心生不比山頭石空有望夫名

石犀行

杜甫

石不見秦時蜀太守刻石立作三犀牛自古雖有厭
勝法天生江水向東流蜀人矜誇一千載泛溢不近
張儀樓今年濯口損戶口此事或恐爲神羞終藉隄
防出衆力高擁木石當清秋先王作法皆正道詭恠
不得參人謀嗟爾三犀不經濟缺訛只與長川遊但

見元氣常調和自免洪濤恣彫瘵安得壯士提天綱
再平水土犀奔茫

古栢行

前人

孔明廟前有老栢柯如青銅根如石霜皮溜雨四十
圍黛色參天直千尺君臣已與時際會樹木猶爲人
愛惜雲來氣接巫峽長月出寒通雪山白憶昨路繞
錦亭東先主武侯同闕官崔嵬枝幹郊原古窈窕丹
青戶牖空落落盤踞雖得地冥冥孤高多烈風扶持
有是神明力正直元因造化工大厦如傾要梁棟萬

牛回首丘山重不露文章世已驚未墮剪伐誰能送
苦心豈免容螻蟻香葉終經宿戀鳳志士幽人莫怨
柴古來材大難爲用

琴臺

前人

茂陵多病後尚愛卓犖君酒肆人間世琴臺日暮雲
野花隨寶曆蔓草見羅裙歸鳳求凰意寥寥不復聞

前題

岑參

相如琴臺古人去琴臺亦空臺上寒蕭條至今多悲風
荒臺漢時月色與舊時同

君平卜肆

前人

君平曾賣卜卜肆無已久至今杖頭錢時時地上有
不知支機石還在人間否

草玄堂

前人

吾悲子雲居寂寞人已去娟娟西江月猶照草玄處
精旌憊無人誰肝藏老樹

石犀

前人

江水初蕩瀾蜀人幾爲魚向無爾石犀安得有邑居
始知李太守伯禹亦不如

相如琴臺

盧照隣

聞有雍容地千年無四隣
園院風烟古池臺松檟春
雲疑作賦客月似聽琴人
寂寂啼鶯處空傷遊子神

文君井

宋陸游

落魄西川泥酒杯酒酣幾度上琴臺
青鞋白笑無拘束又向文君井上來

藥師崖

在邛州

文同

此景又奇絕半空生曲欄
蜀塵隨眼斷番雪蒲櫟寒
澗下雨聲急岩頭雲色乾
歸鞍休報曉吾待且盤桓

下巖在青神

黃廷堅

空巖靜發鐘磬響古木倒掛藤蘿昏
莫道蒼崖鎖靈骨時應持鉢到諸村

岑公洞

前人

肩輿欲到岑公洞正怯衝泥傍險行
應是岑公闕青境春江一夜雨連明

太乙宮碑

史繩祖

茫茫禹跡奠梁岐蔡蒙旅平鎮坤陞左
挾岷山右哦眉雒州百丈縣延禧龍從
嗟峨嶽寄蒼松古檜互

蔽虧下有洞府通潭涓列仙所都此奧區落魄張仙
舊所棲守虛其名慕希夷無知其字通幽微露股跣
足列其腓酒中浮沉醉如泥升貯數瓢筇一枝非隱
非狂亦非癡脩袖雲飛昇朝躋駕風鞭霆氣虹霓揮
斥八極不可羈忽然賣藥梓通達碧梧玉仙契心知
共約求友來金雞訪歸元子遊蓬池縣人瞻思佇其
歸露香竭虔心以祈顯然現相東方廣高轡雲端儼
裝衣環邑四民見所希築窟山中致懷思因山名觀
存古碑亦有觀側黃氏兒寒家之女少好奇清靜凝

然神自怡辟穀茹栢忘渴饑蘭馨玉潔年及笄父母
欲嫁長歔歔飄然赴水不可追爺娘思意心孔悲忽
從雲中三致詞女本上清侍書姬小過下謫今及期
復還仙班夫何疑有眷故鄉亦依依仙傳所述誠不
欺郡乘詳載尤可稽紹興中年觀頽歎率合衆力新
崇規光實脩葺玉洞儀傳度黃冠鄧似之惟此羽士
心秉彝切切道教勤忘疲大新琳宇光前爲瓊宇碧
瓦青瑤璃金鋪壁門丹其墀三級元壇瑛瑰琦經閣
高架青雲梯琅琅並笈冒綠綈玉京會元殿巍巍五

百仙洞深難窺維泰光冥媼藩釐葳蕤華覆六彤芝
玉女齒目腰支婁莊妹明艷烟霞桂衆眞會弁垂紳
綏綺珮琳珉奉璋珪元都省長冠皐比武士高漚揭
洪頤步虛逸經聲調齊鈎韶玄奏天風吹雲璈流鈴
間墮虎頌聲洪鐘古雲襲太明生東月生西鬱儀爲
君結鄰妣維北有斗南有箕三辰容光常赫曦二十
八舍羅霄圻左列青瑁右素威前導朱雀後蛇龜山
君川后率方祗中邊拱扈嚴呵撫偶纏厄運劫火熇
廣殿傑閣皆灰飛似之隕越長嗟客顧謂寅恭小嗣

師竭力再翊永其貽風斤月斧曾未幾咸復舊觀瞻
巍巍以史繩祖勅節麾大華雲臺新奉祠式慶大遊
從颺騏五福太乙臨坤

一作金

維天神之貴人是司其

祐五帝隱民夷壽富康寧德攸基洪範用九同敷施
爰啟新宮祀膏腴爲國祝釐天子葵招搖急繕恕揚
揮壯荆畫幡舉靈旗奉代所指國必鰥天王萬壽綿
本支群生嘒嘒唯春祺復輅太平俗雍熙謂以職方
之攸宜寅恭囑予記棖題余竊古甫及奚斯雅美周
宣頌魯僖皆以詩章紀音徽用詩爲紀韓昌黎近代

作者相追隨因效黃庭栢梁辭七言登載無軼遺寶祐改元冬丑臘夏五端午其歲時後有考者文在茲

隱賢巖

在內江縣地名尖山溝

國朝趙貞吉

迢迢青牛溪湯湯白馬津金山控以帶寶峰鎖而紉中峙一峰秀卓拔于青冥巖一鬱蒼幹群阜爭賓臣鼎立顧兩峰秀色參相臻斯應產佳士胡爲久秦堙聞有稱雪翁不知何代人同時偕立老往來此崖濱想乘閒寒運刮采復香馨迹代已荒茫誰將文字詢

獨留三字題隱賢巖如新牧豎拜知肅狂夫過寒斷
我愛隱賢巖種松護其青種罷從王事歸來雪盈巾
恩恩隙駒光短松成長林勞生何以堪今雪非昔真
倚崖歌一曲流水桃花春

內江城西聖泉歌

諸子餞予于此

前人

石髮拂欄釀幽渾龍子夢天忍剗質金沙睽睽蕊靈
古玉輪碾波山鬼叱鉞絃彈空響劈劈寫入媧皇補
天瑟芭娘提携奠屈膝渦雲纏楓叶霜鵲石燕和春

化爲乳濺珠噴盈咽如失誰牽舴艋載湖光倒取麪
鉅看率筆

成都洗墨池

前人

黑鱗拔浪遊奇門靈烏下掃腸泮痕幽蚪水沉古
影武擔山風颯珊冷魂迷瘴雨芙蓉濕侯芭噴腔三
斗汁黃金蹴地吹作灰商鬼蒿城淚花澀

梓潼觀碑

王勃

飛霞龍洞接靈關變化文昌第一山仙馭幾時回六
府猶遺詞翰在人間

過鶴山書臺點易洞古刻琳琅僧人苦觀者
之擾加以斧鑿感而賦之

楊慎

易洞書臺倚碧雲臨邛文藻仰清芬山僧袖有金剛
鑽刻却前朝玉篆文

敲火樵童礪角牛琳琅金甌已堪愁那知哇缺髡蟲
點更使吳牛讓一頭

蟲鼠分明斧鑿痕不須弔古恨空門從來鬼教無文
字却笑羲之七代孫

毛伯玉點易洞

前人

淨林蕭寺北山隅曾是精廬隱昔儒書帶草生移鉅
野篆文江繞接巴渝吟詩雲合峯頭碧點易霞畱洞
口朱何日放舟偕麗澤紅泉石路足斟酌

芙蓉溪

朱奎

兩橋深鎖小溪幽花簇芙蓉兩岸頭盡道春園桃李
富不將顏色共迎秋

前題

徐楠

溪上西風百卉收芙蓉花發映方州莫將遲暮疑多

怨別領乾坤一段秋

張真人三物

張佳胤

神筵散天風松雲襲瑤闕一嘯揮青山搖破滄浪月

右扇

壁水蒼龍化陰山墨海青美人如贈我松下寫黃庭

右硯

瑞竹雙龍幹飛騰介象材願隨綠玉後同步閭風臺

右杖

凌雲洗墨池

許應元

赤日欲行且復留縣宇開我城南遊輕風棹詭絕江
水咫尺便跋方壺丘藤溪竹徑何歷器石室巖扉忽
森懸乳泉滴瀝朝出雲琪樹籠蔥晝含日前簷樞樓
窺邑井次波淪沄浴奔景花嶼晴樓巫峽烟笙臺
接青城嶺昔人已去姓空存池上猶餘洗藥盆應指
柴枝元是海邦栽桃樹自成村余悲城市不可住日
暮猿啼復當去淹留近鄰山鬼宅彷彿安知羽人處
蓬萊方丈信依微湖上青山待拂衣明發還應牽簿
領君爾只有白雲飛

仙臺石

張鐸

掃月來坐昇仙石
風舞林葉寒露滴
閱世經過幾百秋
摩天不盈三五天
誰騎白鶴度方湖
我向黃州吹鐵笛
長嘯一聲谷自應
空山月映遊人跡

棲樂山

黃燾

虹氣西行水郭斜
杖藜隨意到仙家
何來白鶴分天路
况有長松掃月華
出岫彩雲遙度曲
向人芳草半生花
乘風欲問蓬萊客
寥廓誰同漢外槎

金城川

陳于陛

不用仙家九節筇，
羅江上最高峯。
讀書臺迥誰歌鳳，
插劍池寒欲起龍。
塵外悠悠生羽翰，
烟中杳杳鎖芙蓉。
明朝回首蒼崖應是丹霞第一重。

周岑公

寄李明府

來知德

峨嵋玉壘東復東，
翠屏巖巖橫青蔥。
上有江珎碎月刺蒼穹，
烟華霧縠輝幢幢。
下有合窠混漾繞敝宮，
直與天潢潏潏一氣通。
洞中仙人名岑公，
昔時金舄木屐坐昏蒙。
三十六鱗何者紅，
有日騎飛訪渥漚。
左驂膝六右驂虹，
后驅列缺前豐隆。
黃姑渚畔洗腸空，
曾遣婉婉

陵華約我同歸山之中今夕何夕鶴生齒乘風載筆
來問余初平一去白羊死媼皇五色化千水王母蟠
桃棗不開六鰲拆足空飛隨岑公岑公余不歸兮將
奈何紅塵赤日隔煙蘿黃牛波漩惡赤甲楓楠多彈
我青萍俯余歌余不歸兮將余何青蓮道士風流客
派出桃源自高格回咳唾于鏗金連珠幾于裂帛求
勾漏之丹沙翻冠裳之逼迫不須再訪已往之羽化
叫空山之蕭索懷中我亦謫仙人何時來子載詩一
車李子携酒一石鞭轡擬鳳其登岑公之舊宅醉后

却把驚人綺句問青天長嘯一聲江月白

金碧臺

曾 榮

高臺金碧爛相輝往日繁華事已非舞影暗隨流水
去歌聲遙逐斷雲飛雨添廢沼鳬爭浴日落空林鳥
獨歸多少興亡遺迹在長教行客淚沾衣

前題

傅光宅

萬嶺江頭出孤亭樹杪懸尊開清夜月人醉小春天
宇宙同爲客襟期總欲僊不妨拙宦日其味子雲玄

石屏

楊雅淳

秦世鎮江滸何年移梵宮稜稜剝風雨苔蘚臥鴻濛

石鏡

前人

塚鏡表蜀妃瑩瑩五丁鑱人傳上古石我謂殷王鑒

石婦

前人

西郭傳石婦行人輒回首琴臺如花人花骨今在否

石姥

前人

鰲山一片石試禱卽甘霖祀典今不載聊爲天姥吟

石笋

前人

石笋森玉立陵墓表千古我來訪遺踪渺茫悵風浦

稠梗治

地名二十四治之一在新津縣

楊師心

湖上髯龍去不回
石池陰洞野花開
山靈曾護鑾輿至
客子今騎瘦馬來
回指十盤懸鳥道
俯聽萬壑隱松雷
老僧畱我孤峯上
自煮仙茆入茗杯

武侯八陣圖一在夔府 曹學佺

鼎足三分事已成
圖開八陣舊知名
喧豗峽浪終難

破錯落江沙若不明
人日尚傳來踏磧

夔門風俗以七日游此謂

之踏磧將星遙映在行營
至今千載無人識
獨有桓溫

鑒別精

一在新都懸半鎮

前人

廣漢南來近蜀都江城辨色已馳驅曉雲不散彌半
鎮春草橫生八陣圖自姚書生行部日得知丞相著
心無由來沃野稱千里處處桑麻望不孤

子美草堂一在夔府

前人

夔門三載客東屯寂莫江天自一村入峽始知風景
異題詩寧負簡編存城連白帝生春草路感行人有
夜猿謾說王程爭日月還從下馬薦蘭蓀

一在浣花溪

前人

子美羈栖久蜀州百花潭上草堂幽不緣此地名當
著何事中原亂未休片石寒林都入詠遠山流水適
添愁我來已屬千年後祇覺依依似舊游

太白讀書處

一在西巖萬縣對山有大湖在頂上

前人

石品湖水片雲端落日輕風生碧瀾祠對江山千古

絕酒酣基局幾時殘

相傳白詩有大湖在頂上

潛陵渡去名猶

在

清州名李白渡

蜀道行來信是難一自金陵間消息無人

指向萬州看

一在匡山

彰明縣中

前人

彰明小邑有光輝太白書臺倚翠微家向隴西傳處

遠星從天上謫來稀一溪踪迹聞龍飲

卽公所居之地名龍飲溪

四海聲名似鳳飛寂莫青山身塋後空憐白首不能

歸

文君井

范汝梓

小檀霞暈豔燒春一曲求凰泥殺人今日臨邛孤驛

畔寒泉古甃覆蒼筠

綠楊翠篠晝陰陰古驛荒亭露井深曉汲銀瓶紅袖

去幾番愁聽白頭吟

支機石

吳用先

兀然一片石傳自九霄來影漬銀河浪紋縈錦地蒼
拋梭間月砌投杼傍雲隈獨立風塵裏孤真不染埃

匡山讀書臺

饒景暉

百篇斗酒盛才名宮錦禁披氣韻生地脉從來鍾井
絡僊胎元自托長庚芸香曾上歸臺校燈火猶疑午
夜明寂歷匡山芳草遍雲深祇有鳥啼聲

琴臺

吳之皐

寂寂人琴草徑荒高原松韻奏琳瑯堪誇題柱前茅
占莫問當爐舊甕香草檄三巴畱氣色諫書兩漢讓
文章不堪吊古凝眸處鳳去臺空淡夕陽

墨池

前人

當年文賦首推君名位何如谷子雲準易墨翻玄草
潤解嘲風動水波芬孤寒一味航清靜寂寞終身厭
穢腥我欲相從問奇字落花啼鳥不堪聞

君平卜肆

前人

烟霞一徑鎖莓苔為憶栖雲絕世才問卜每從千里

至垂簾只放百錢來不競洗耳能心隱且自含真抱
聖胎出處誰知肥遯意富春亦有子陵臺

草堂

前人

獨憐工部祠何在一曲澄江古岸頭地僻柴門苔蘚
滑雲深草閣竹林幽孤臣風雅推詩聖萬乘鑾輿重
旅愁國士未酬開府幕拾遺空自老滄洲

文君壟

前人

臨邛舊有卓王孫宅又有文君井宅不存井尚在
余命守土者濬壠死一新獨未聞有文君壟今藏于

民間州宇圖其形甚古余因纂修蜀志命諸生續之器物譜後最蜀中一奇也爲詩以識之

蜀國山水奇窮搜多異族靈物久韜晦有時還自出不見學射山拾竈猶遺鏃不見寶現溪闢石具慧目大息當壚者芳魂委枯槁惟餘貯錢甕掘地完太璞隆古平兩端閔中虛一腹歲久苔蘚侵斑駁繡如縠母氣融結成冶火不栖宿渾貞介于石絕可伴適軸造物有深意剝盡旋知復注以文君泉清風蒲谿谷恍聞壚頭春林香生萬斛乃知古人心重質幽以穆

至文卽至素浮脆徒碌碌繪圖彰往事綴拾存簡竹
邈哉聽琴人知音千古獨

草堂

李仙品

詠茆開戶牖近水映芙蓉節度何年築辭壇雅意濃
數椽明月上一抹白雲封遊覽經千古幽香襲短筇

禹穴

在石泉

袁汝萃

發祥從石紐報祀自塗山明德千秋遠玄聖八載還
龜疇因帝錫魚沼急民艱聖誕精無極雄關控百蠻

縣有誕
聖崖

匡山書臺

前人

昌明山下讀書臺爲道謫仙閱史來炯炯長庚留几
案不因風雨鎖莓苔

飛雲石

在綿州

前人

曾聞石有五醉醒各居一盤礴不可卷躑躅都成室
怪哉此石胡爲乎飛來飛去雲中鳬支機河漢負而
走生公頭顙點耶無或者幻如左慈羊或者伏爲莊
生虎不然太白月可釣不然女媧天可捕春風招携
爨鍵間一壺春酒度煙鬟憧憧擾擾無虛日媿爾蒼

雲白石閑噫嘻我心爾匪我居爾與飛已倦兮不知
還萬石雲山石欲語

琴臺

楊一鵬

風流文彩擅西京滌器常壚韻轉清自是翠眉能具
眼非關綠綺可傳聲江亭葉下遊魚聽野砌苔侵落
鴈鳴賦就白頭真匹敵茂陵消渴若爲情

洗墨池

前人

自是玄心遠世情何知異代子雲生問奇獨有空亭
在載酒幾將幽事許灑籀含煙浮水淨新蒲著霧偃

波平湧朔歲晚航微祿也向池邊號客卿

薛濤井

前人

古井臨江思有餘荒亭寂寂傍樵漁當年兔穎題都尉
此日鸞箋惜校書總有黃鸝空自語須教芳草亦
憐渠靈心黛色成幽賞天外峨眉似不如

離堆

雷叔聞

青崖忽中斷殘石澗如洲石上昔人去江流殊未休

犀浦

前人

石犀久已沉犀浦名猶在日暮浦煙生寒林變光彩

琴臺

前人

故里求凰日絲桐獨解心誰知樂府曲復有白頭吟

卜肆

前人

古市顏垣裏君平尚有碑高城日已落應是下簾時

墨池

前人

揚子草玄處亭臺殊麗觀昔人不見此應作覆瓿看

草堂

前人

錦里誅茅日中原望關年風流嚴僕射走馬到堂前

紫柏行

前人

灌之北門十里許有古樹一株在山之麓土人呼
爲紫栢圍丈有六尺高七八丈葉似杉而細其色
赤中懷琵琶櫺一株其身多圓孔如鑿鸛鶴巢其
中舊志載其事本先秦時物也五代時有欲伐爲
官室川者聞其下有金鼓聲遂止雷子今是邑暇
日得觀焉而爲此詩表之

青城古栢苔蘚積赤甲鱗鱗依古寺乾坤遙絕嘉平
年精靈湧入夷堅志已將落葉等興亡誰識貞心後
天地翠黛春迴碧海姿冰霜夜肅金方氣寂寞惟餘

野鳥還光茫頓使山精避五月五日葵榴繁我行至
此開清罇天風灑枝濯濯勁白日照葉冥冥翻已看
環娒偃雷雨可憐幽態依山樊孤根尚染長弘血老
榦顏啼杜宇菟明堂此日微山貢俗眼往往誇梁棟
出世誰知獨異材長年自有非常川蹇蹇偏會故國
情擇持能使名山重萬事寧同朝菌知百篇空美新
宮頌題書爲寄五大夫海內與君堪伯仲

遊岑公洞五首有引

鍾惺

洞在萬縣隔江半里廣十五丈許深如廣之數中

懸一石奇甚卷首銳末連蹇如芝泉覆流其上卽
岑公泉也左一池蓄水其頂平如聚漿頂外卽田
明吳人陳子兼方伯有灌芝泉萬年芝二大石刻
池左上刻黃魯直二絕字法醇古招予遊者爲邑
令雲衢方君予同郡故人也萬曆辛亥九月十八
日蜀多陰是日暄霽

幾道分流共一聲清泉終古漱華辛洞中結構皆如
屋屋下張筵屋上耕

泉爲晴雨石爲芝如此巖無杜老詩多少無名佳洞

壑岑公不住不曾知

昨者過詢杜甫居曾無赤甲白鹽書

張琬有大書赤甲白鹽四字今

不此中却有黃陳字只此東屯遠不如

也是貪幽住此源翻緣幽勝往來煩仙人總不留聲

跡何有遊車日日喧

山水宿生多係惹登臨有主必低徊曾過勝跡堪追

味乍識幽棲若再來

上白帝城望少陵東屯居止遂有此歌

前人

白帝山水何參差歌側升降相蔽虧拳石勺水細已
甚無有不歷落嶽崎杜陵野老雖間關不肯上居不
經奇胷中眼底是和嶽其人其詩皆似之天生夔州
此山水不佳此老欲住誰

子雲墨池

戴燦

談經人已遠故宅此依然詞賦傳今日園亭自昔年
周遭池尚墨寂寞竟猶玄我是問奇客侯芭可比肩

工部草堂

前人

三國興亡如夢裡幾王望帝亦荒唐惟有先生棲隱

處依然谷口舊時堂孤城返照千秋色隔水踈荷十里香風景不殊年代異竹寒沙白自淒涼

越王臺

前人

涪江之上越王臺李杜題詩曾此來雲遮錦城天際出樹遙巴字水中猜江山有恨詞人往絃管無聲帝子哀陵谷千年誰是主春風臺畔野花開

飛來石

前人

愛爾堅貞質嶽峯顛削成何人羞碌碌照來自盈盈能飲將軍羽欲維宗子城看君飛動意岼岼似非情

匡山讀書處

前人

君是天仙暫謫居不知此處讀何書至今腐草遺螢
火曾照當年展卷餘

薛濤井

前人

寒泉翠篠午陰清讀罷殘碑感慨生不見玉顏窺照
影空餘金井輓轡聲